



Na osnovu člana 68. stav 4. tačka i), člana 69. stav 2. tačka d) i člana 70. st. 1. 4. i 6. Zakona o javnim nabavkama („Sl. glasnik BiH“, broj 39/14) i Rješenja Ureda za razmatranje žalbi broj: JN2-03-07-1-2210-8/21 od 23.09.2021. godine, u otvorenom postupku za nabavku i isporuku školskih anatomskih ruksaka za učenike prvog razreda osnovne škole, a za potrebe manifestacije „Sretno đaci prvaci“, Gradonačelnik donosi:

ODLUKU
o poništenju postupka javne nabavke

Član 1.

Poništava se otvoreni postupak za nabavku i isporuku školskih anatomskih ruksaka za učenike prvog razreda osnovne škole, a za potrebe manifestacije „Sretno đaci prvaci“, u skladu sa članom 69. stav 2. tačka d) Zakona o javnim nabavkama, iz razloga što nijedna od primljenih ponuda nije prihvatljiva.

Član 2.

Stavlja se van snage Odluka o izboru najpovoljnijeg ponuđača broj: 02-11-11382-2/21 od 26.07.2021. godine.

Član 3.

Za izvršenje ove odluke zadužuje se i ovlašćuje Služba za finansije.

Član 4.

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-11382/21 od 14.06.2021. godine.

Obavještenje o nabavci broj: 1355-1-1-199-3-78/21 objavljeno je na Portalu javnih nabavki dana 18.06.2021. godine i u Službenom glasniku BIH broj: 39/21 od 25.06.2021. godine.

Procijenjena vrijednost za predmetnu nabavku iznosila je 42.000,00 KM bez PDV-a.

Ugovorni organ donio je Odluku o izboru najpovoljnijeg ponuđača, broj: 02-11-11382-2/21 od 26.07.2021. godine, na koju je podnesena žalba ponuđača „MAX-TRGOVINE“ d.o.o. Zenica, nakon čega ugovorni organ donosi Odluku o obustavi postupka broj: 02-11-11382-3/21 od 06.08.2021. godine. Izjašnjenje po žalbi poslano je Uredu za razmatranje žalbi sa cjelokupnom dokumentacijom.

Ured za razmatranje Žalbi usvaja Žalbu ponuđača Rješenjem broj: JN2-03-07-1-2210-8/21 od 23.09.2021. godine, te predmet vraća Ugovornom organu na ponovno odlučivanje.



Komisija je ponovo pristupila pregledu i evaluaciji ponuda u odnosu na zahtjeve iz tenderske dokumentacije, te postupajući po Rješenju URŽ broj: JN2-03-07-1-2210-8/21 od 23.09.2021. godine utvrdila da niti jedna ponuda ne ispunjava uslove.

Razlozi odbacivanja ponuđača su sljedeći:

Ponuđač „ROBOT GENERAL TRADING Co“ d.o.o. Sarajevo

Uzorak ruksaka ponuđača „ROBOT GENERAL TRADING Co“ d.o.o. Sarajevo ne ispunjava uslov iz tačke 3.3. tenderske dokumentacije, iz sljedećih razloga: dubina dostavljenog ruksaka je 20cm, a ne kako je traženo specifikacijom: 16/18cm. U specifikaciji je navedeno da se na bočnim stranama ruksaka nalaze po dva džepa; dok se na dostavljenom ruksaku nalazi po jedan džep sa strane.

Ponuđač „MAX-TRGOVINE“ d.o.o. Zenica

Uzorak ruksaka ponuđača „MAX TRGOVINE“ d.o.o. Zenica ne ispunjava uslov iz tačke 3.3. tenderske dokumentacije, iz razloga što se na ruksaku nalazi obično meko dno, ruksak ne posjeduje tvrdo dno kako je traženo specifikacijom.

Ponuđač „DEFTER-KOMERC“ d.o.o. Sarajevo

Uzorak ruksaka ponuđača „DEFTER-KOMERC“ d.o.o. Sarajevo ne ispunjava uslov iz tačke 3.3. tenderske dokumentacije iz razloga što uzorak ruksaka posjeduje anatomske naramenice, ali na istima nema reflektirajućih dijelova.

Ponuđač „PAPER STAR“ d.o.o. Zenica

Uzorak ruksaka ponuđača „DEFTER-KOMERC“ d.o.o. Sarajevo ne ispunjava uslov iz tačke 3.3. tenderske dokumentacije iz razloga što uzorak ruksaka posjeduje anatomske naramenice, ali na istima nema reflektirajućih dijelova.

Ponuđač „NORIN“ d.o.o. Sarajevo

Uzorak ruksaka ponuđača „DEFTER-KOMERC“ d.o.o. Sarajevo ne ispunjava uslov iz tačke 3.3. tenderske dokumentacije iz razloga što uzorak ruksaka posjeduje anatomske naramenice, ali na istima nema reflektirajućih dijelova.

Također, ponuđač je na stranici 14. ponude dostavio Aktuelni izvod iz sudskog registra broj: 065-0-RegZ-21-003398 izdat od Općinskog suda u Sarajevu dana 14.04.2021. godine. Tačkom 3.2. tenderske dokumentacije propisano je da datum izdavanja ne smije biti stariji od tri mjeseca računajući od dana dostavljanja ponude, pri čemu se kao dan dostavljanja ponude smatra dan koji je ugovorni organ odredio u tenderskoj dokumentaciji kao datum za prijem ponuda tj. 19.07.2021. godine. Iz navedenog proizilazi da je dostavljeni Aktuelni izvod iz sudskog registra izdat na dan 14.04.2021. godine stariji od tri mjeseca od dana određenog za prijem ponuda, a što nije u skladu sa tačkom 3.2. tenderske dokumentacije.

Ponuđač „AERO-EXCLUSIVE“ d.o.o. Sarajevo

Uzorak ruksaka ponuđača „DEFTER-KOMERC“ d.o.o. Sarajevo ne ispunjava uslov iz tačke 3.3. tenderske dokumentacije iz razloga što uzorak ruksaka posjeduje anatomske naramenice, ali na istima nema reflektirajućih dijelova.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Shodno navedenom ponude svih ponuđača ne ispunjavaju uslove propisane tenderskom dokumentacijom, te se iste dbacuju se u skladu sa članom 68. stav 4. tačka i) Zakona o javnim nabavkama.

Shodno tome, Ugovorni organ poništava postupak javne nabavke u skladu sa članom 69. stav 2. tačka d) Zakona o javnim nabavkama.

POUKA O PRAVNOM LIJEKU

Protiv ove Odluke može se izjaviti žalba Uredu za razmatranje žalbi, putem ugovornog organa: Grad Zenica, Služba za finansije, Trg BIH 6, 72 000 Zenica, u roku od 10 (deset) dana od dana prijema Odluke. Žalba se podnosi u 3 (tri) primjerka, kako bi mogla biti uručena izabranom ponuđaču, Uredu za razmatranje žalbi i Ugovornom organu. Žalba se podnosi neposredno Ugovornom organu u pisanoj formi.

Broj: 02-11-11382-5/21

Datum: 04.10.2021. godine

DOSTAVLJENO:

- 6 x Ponuđači
- 1 x Služba za finansije
- 1 x Tenderska dokumentacija
- 1 x a/a



GRADONAČELNIK:


Fuad Kasumović